



Vogošća, ul. Jošanička, br. 80; tel: 00387 33 586 413, fax: 586 444

Broj: 14-11-1584/25
Vogošća, 06.10.2025. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14, 59/22 i 50/24), i čl. 71. i 125. Statuta Općine Vogošća ("Službene novine Kantona Sarajevo", broj: 27/14, 14/15, 9/20 i 23/24), Općinski načelnik dana 06.10.2025. godine donio je

**ODLUKU
O IZBORU NAJPOVOLJNIJEG PONUĐAČA ZA NABAVKU I ISPORUKU NAFTNIH
DERIVATA PUTEM BENZINSKIH STANICA ZA POTREBE OPĆINE VOGOŠĆA**

Član 1.

Ponuda ponuđača Hifa-petrol" d.o.o. Sarajevo, ulica Hotonj b.b., Vogošća, odabrana je za nabavku i isporuku naftnih derivata putem benzinskih stanica za potrebe Općine Vogošća, kao prvoplasirana na Rang listi, sa ponuđenom ukupnom cijenom nabavke u iznosu od 19.950,00 KM bez uračunatog PDV-a, odnosno 23.341,50 KM sa uračunatim PDV-om.

Član 2.

Odluka o izboru najpovoljnijeg ponuđača će biti objavljena na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 05.09.2025. godine donio Odluku o pokretanju Otvorenog postupka nabavke i isporuke naftnih derivata putem benzinskih stanica za potrebe Općine Vogošća, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 08.09.2025. godine pod brojem: 1353-1-1-136-3-117/25. Sažetak Obavještenja o nabavci objavljen je u "Službenom glasniku BiH" broj: 54/25 od 12.09.2025. godine.

Tendersku dokumentaciju sa Portala javnih nabavki BiH je preuzelo 7 (sedam) ponuđača. Krajnji rok za dostavu ponuda bio je 30.09.2025. godine do 10:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 30.09.2025. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 14-11-1584/25 iz septembra 2025. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da su zaprimljene 2 (dvije) ponude i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM) SA POPUSTOM bez PDV-a	UKUPNA CIJENA (KM) sa PDV-om
1	"Hifa-petrol" d.o.o. Sarajevo	20.400,00	/	/	23.868,00
2	"Nestro-petrol" a.d. Banja Luka	19.952,00	/	/	23.343,84

Detaljnim postupkom pregleda i ocjene ponuda, Komisija za javne nabavke je utvrdila da Ponude ponuđača:

- "Hifa-petrol" d.o.o. Sarajevo i
 - "Nestro-petrol" a.d. Banja Luka
- ispunjavaju formalno-pravne uslove, odnosno zahtjeve ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela pristiglih ponuda ponuđača, te je izvršena računska provjera dostavljenih ponuda i utvrđeno je da postoji računska greška u Ponudi ponuđača "Hifa-petrol" d.o.o. Sarajevo.

Postupajući u skladu sa odredbom člana 17. stav 5. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15) Komisija za javne nabavke je izvršila ispravku računске greške, te je aktom broj: 14-11-1584/25 od 01.10.2025. godine dostavila na davanje saglasnosti ponuđaču "Hifa-petrol" d.o.o. Sarajevo.

Ponuđač "Hifa-petrol" d.o.o. Sarajevo je svojim aktom broj: JN-3681/25 od 01.10.2025. godine dao saglasnost na ispravku računске greške, tako da umjesto ukupne ponuđene cijene u iznosu od 20.400,00 KM sa uračunatim PDV-om, ukupna cijena ponude nakon prihvaćene ispravke od strane ponuđača iznosi 23.868,00 KM sa uračunatim PDV-om.

Tenderskom dokumentacijom-tačkom 9.4. (Ispravka računskih grešaka i E-aukcija), a u skladu sa Pravilnikom o uslovima i načinu korištenja E-aukcije ("Službeni glasnik BiH" broj: 80/23) predviđen je postupak E-aukcije, koji uključuje podnošenje novih cijena, izmijenjenih naniže, ili cijena i novih (poboljšanih) vrijednosti koje se odnose na određene elemente ponuda, a odvija se nakon početne ocjene ponuda i omogućava njihovo rangiranje pomoću automatskih metoda ocjenjivanja u informacionom sistemu E-nabavke.

E-aukcija je bila zakazana za 03.10.2025. godine u 14:00 sati.

Nakon provedenog postupka E-aukcije i po završetku iste, a u skladu sa Izvještajem o toku i završetku E-aukcije od 03.10.2025. godine, Komisija za javne nabavke je sačinila sljedeću Rang listu u Otvorenom postupku nabavke i isporuke naftnih derivata putem benzinskih stanica za potrebe Općine Vogošća kako slijedi:

R.B.	NAZIV PONUĐAČA	UKUPNA CIJENA (KM) bez PDV-a	UKUPNA CIJENA (KM) sa PDV-om
1	"Hifa-petrol" d.o.o. Sarajevo	19.950,00	23.341,50
2	"Nestro-petrol" d.o.o.	19.952,00	23.343,84

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14, 59/22 i 50/24), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "Hifa-petrol" d.o.o. Sarajevo, za nabavku i isporuku naftnih derivata putem benzinskih stanica za potrebe Općine Vogošća, kao prvoplasiranom na Rang listi, sa ponuđenom ukupnom cijenom nabavke u iznosu od 19.950,00 KM bez uračunatog PDV-a, odnosno 23.341.50 KM sa uračunatim PDV-om.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradila: Meliha Čolpa



Kontrolisala: Đejna Sarač



OPĆINSKI NAČELNIK

Migdad Hasanović

Dostavljeno:

1. "Hifa-petrol" d.o.o. Sarajevo
2. "Nestro-petrol" a.d. Banja Luka
3. Nadležnoj Službi
4. U dosije
5. a/a

tenderi@hifapetrol.ba
kokanr@optimagrupa.net

